



Universitätsbibliothek Paderborn

**B. Alberti Doctoris Magni ex Ordine Prædicatorum
Episcopi Ratisponensis De Adhærendo Deo Libellus**

**Johannes <de Castello>
Albertus <Magnus>**

Antverpiae, 1621

Cap. II. Quòd Ordinem intravit in iuuentute, ex propriis verbis ipsius
habetur: & de modo quo ingreßus est, & qualiter à beato Iordanе vestitus
Paduæ.

urn:nbn:de:hbz:466:1-44148

ut tota Ecclesia per doctrinæ tuæ libros illustretur.

CAPVT II.

Quod Ordinem intravit in iuuentute, ex propriis verbis ipsius habetur: & de modo quo ingressus est, & qualiter à beato Iordanе vestitus Padue.

TALI itaque Virginis glorioſe animatus ſponsione, puerilia rudimenta in Grammaticalibus adeptus est studio iuſtendo, ſuę interuentrici non ingratus, affiduum illi obsequium quam deuotè impendebat. Sed prudenter animaduertens ſecum has fallacias, nec turum fore cohabitare ſerpenti, diuinis monitis acquiescens, Prædicatorum Ordinis habitum, ne talentum ſibi creditum cum ſeruo pigro in terram abſcondere videretur, multa cum deuotione uſcepit. De qua uſceptione ita in Libro qui Vitas-Fratrum Ordinis Prædicatorum inscribitur, parte qua-
ta cap. x. narratur: *Dominus Albertus*

D 4 fame

fame eximia & excellentis status & scien-
tiae, magnus in Philosophia, cum adhuc iu-
nenculus Paduae studebat, ex admonitioni-
bus Fratrum, & maximè ex prædicatio-
nibus Magistri Iordanis, habebat volun-
tatem intrandi Ordinem Prædicatorum,
sed non plenam; auunculus enim eius con-
tradicebat illi: unde & iurare ipsum com-
pulit, ne infra tantum tempus iret ad do-
mum Fratrum Prædicatorum. Post quod
transactum veniebat frequenter ad Fra-
tres eosdem, firmabatque propositum: sed
timor ne exiret, faciebat eum vacillare
multoties. Quadam autem nocte vidit in
somnis quod intrasset Ordinem, postmo-
dumque exisset. euigilans ergo, mirabiliter
gauisus est, eò quod non intrauerat; in ani-
mo suo dicens: Nunc video quia id quod
timebam inde eveniret si umquam intra-
rem. Contigit autem eodem die cum inter-
esse sermoni Magistri Iordanis, qui inter
cetera loquens de temptationibus diaboli,
dixit quam subtiliter decipiatur aliquos.
Sunt enim, ait, aliqui, qui relinquere mun-
dum proponunt, & Ordinem intrare; sed
diabolus eis impressiones facit in somnis
quod intrant & postea exeunt, equitantes
in rubeis vestibus, vel se solos derelictos in-
ueniant;

ueniant; ut sic scilicet eis incutiat timorem
intrandi, quasi perseverare non possent.
Tunc iuuenis miratus vehementer, post
sermonem Magistrum accessit, & ait:
Magister, quis reuelauit cor meum vobis?
exposuitque Albertus omnes suas cogita-
tiones & somnium Magistro Iordani; qui
firma de Deo percepta fiducia, multis mo-
nitis confortauit eundem contra tentatio-
nem iam dictam. Ad verba ergo eius Al-
bertus ex toto conuersus, & omnem moram
rescindens, Ordinem Prædicatorum est
ingressus. hæc ibidem.

Quòd verò Paduæ studuerit, ipse
Albertus propriis verbis suis implicitè
insinuat in suo Libro de Natura loco-
rum, distinctione tertia cap. secundo;
vbi trinitates terrarum enumerat, de ip-
sa tamquam sibi nota ait sic: *Patarium,*
quæ nunc Padua vocatur, ciuitas est in
qua floruit studium ante paruum tempus.
Sic pariformiter & apertius in tertio
libro Meteororum, capitulo duodeci-
mo secundi Tractatus, patet ipsum ibi-
dem habitasse in studio, quia sic ait:
*Ego autem vidi in Paduana ciuitate Lom-
bardiæ, quòd putens ab aliquo tempore*
clausus inuentus fuit, qui cùm aperire-

D S THY,

tur, & quidam intraret ad purgandum
puteum, mortuus fuit ex vapore caverne
illius; & similiter mortuus est secundus.
& tertius voluit scire quare duo moras
agerent, inclinans in puteum, adeo debili-
tatus est, quod spatio duorum dierum vix
rediit ad seipsum: cum autem expirasset
vapor putrefactus in puteo, factus est bo-
nus & potabilis. Hæc ille loco iam alle-
gato. Si enim non ibi tunc temporis
habitasset, non utique dixisset se hæc
vidisse, quæ successuè non uno die
contigerunt.

Nec utique in dubium venire alicui
potest, quin iugum Domini suaue in
iuuentute assumpserit per Religionis
ingressum, cum hoc idem Albertus suo
testimonio clarisque verbis exprimit in
Orationibus Dominicalibus, de quibus
infra dicetur. Nam in Oratione circa
Euangelium Septuagesimæ, videlicet,

*Matth. 20. Simile est regnum celorum homini patri-
familias; ita orationem fundens ad Do-
minum, ait: Domine Iesu Christe, summe
paterfamilias, qui me primo manè in vi-
neam tuam vocasti, dum me à iuuentute
mea ad laborandum in Religione pro de-
nario vita æternæ conduxisti: cum serò fa-
ctum*

Etum fuerit in Iudicio, & reddes opera-
riis mercedem, quid dabis mihi, qui non
solum in foro sœculi, sed in ipsa vinea
Religionis tota die vitæ meæ otiosus steti.
Domine, qui non ponderas opera nostra ad
pondus publicum, sed ad pondus San-
Etuarij, fac me saltem in undecima hora
resipiscere; ne quia tu bonus es, oculus
mens omnino nequam inueniatur. hæc
Albertus.

Qualiter autem venerabilis Alber-
tus Coloniensi Conuentui sit assigna-
tus, licet Paduæ indutus, facile per-
pendi potest. Prædicatorum enim Or-
do nouiter tunc institutus, multipli-
candis Conuentibus & personis con-
gruis insistebat; & ideo Fratres Noui-
tij, ubique vestiti fuissent, nouis
Conuentibus ob defectum persona-
rum assignabantur, maximè si de lin-
gua terræ illius in qua recipiebantur
non fuissent. sicut Frater Henricus de
Colonia, ibidem primus Prior; simi-
liter & Frater Leo, eidem in Prioratu
successor; licet Parisiis cum beato Ior-
dane ambo habitum receperint anno
Domini M. cc. in die Cinerum: Co-
loniam tamen mittuntur, quia Teuto-

D 6 nici

nicerant, ut nouum Conuentum ædificent. Sic pari modo Albertum à Padua missum Coloniam non dubitamus: quod verbis sequentibus ex Vitis Fratrum euidenter ostenditur. Illo enim in tempore, sanctissimo Patre Dominico cælis inuestito, beatus Iordanis Teutonicus, verus Israëlita, in Magistrum Parisiis est electus, anno Domini m. cc. xxii. qui quantus qualisque fuerit, in Vitis Fratrum Ordinis clarè describitur: vbi inter alias eius virtutes habetur, quod plures quam mille ad Ordinem traxerit Fratres: dilatauit enim iste gloriam gentis suæ. De quo consequenter ibidem ita habetur: Frequentabat hic Pater beatus ciuitates ac villas, unde Quadragesimam uno anno Parisiis, alio Bononiae faciebat. Tunicas vero fieri faciebat, fiduciam habens in Deo quod Fratres ei idoneos pro dilatatione mitteret. Multoties autem tot & ex insperato intrabant, quod vix poterant pro induendis uestes inueniri: quos conuenienter instructos diuersis domibus deputabat: de quorum numero plures fuere postea Regentes in Theologia. Receptus igitur tunct temporis Albertus à iam memora-

to Magistro Iordanè, Prædicatoris collegio est hinc sociatus in Agrippina Colonia, vbi paulò antè Prædicatorum Ordinis Fratres ecclesiam sanctæ Crucis cum Hospitali & cappella sanctæ Mariæ Magdalena ad inhabitandum à reuerendissimo Domino Archiepiscopo Domino Engelberto Primo gratiōsē susceperant, anno videlicet Domini m. cc. xxii. post secundum Capitulum Bononiæ per beatum Dominicum celebratum.

CAPVT III.

*Quòd oratione magis adeptus sit
scientiam quam studio & labore,
& quòd præcipuus fuerit inter de-
uotiores Fratres.*

ALBERTVS igitur, vt infrà clariùs patebit, per visum ad studium & Religionis amorem à glorioſa Virgine Maria animatus, feruentissimè studens, puritati mentis litterisque non segniter operam dabant. Erat enim modus ipsius primò oratione & deuotione mentem

D 7 ad